

26 JUN 2018

Kerajaan negeri komited usaha perangi dadah

Kerajaan negeri komited usaha perangi dadah

MELAKA 25 Jun - Kerajaan negeri komited terhadap usaha memerangi dadah secara besar-besaran dengan merangka pelbagai pelan tindakan menerusi Agensi Antidadah Kebangsaan (AADK) bagi memastikan gejala itu dapat dibanteras dengan lebih efektif.

Pengerusi Jawatankuasa Kesihatan dan Anti Dadah negeri, Low Chee Leong berkata, kegiatan mengambil dadah merupakan ancaman berbahaya kepada rakyat dan merupakan musuh nombor satu yang harus ditangani dengan berkesan untuk mengelak gejala itu terus menular dari semasa ke semasa. Menurutnya, sokongan sepe-

nuhnya turut diberikan kepada pihak AADK negeri dalam usaha menjadikan Melaka bebas daripada ancaman najis dadah yang mampu menggugat keharmonian hidup.

"Beberapa langkah telah dirangka oleh AADK bagi menghalang kemunculan kes-kes baharu serta mencegah penagihan berulang dalam kalangan masyarakat.

"Perancangan pencegahan yang dilakukan oleh AADK seperti operasi penguatkuasaan yang proaktif dijalankan mampu memberi kesan dan harapan kita adalah untuk melihat ia dapat dikekang daripada terus menular," katanya.

Beliau berkata demikian ketika berucap merasmikan program Bengkel TOT Combat Daps Perangi Dadah Habis-Habisan di Pantai Puteri di sini.

Yang turut hadir, Pengarah AADK Negeri Melaka, Mohamad Yusof Kameh.

Sementara itu, Chee Leong menyifatkan Program Bengkel TOT Combat Daps Perangi Dadah Habis-Habisan sebagai medium yang terbaik bagi menimba pen-getahuan berkaitan dadah, selain mempelajari kaedah berkaitan pencegahan gejala dadah.

"Menerusi program ini, saya percaya ianya akan memberikan

manfaat kepada semua peserta dan harapan saya adalah untuk melihat setiap peserta yang terlibat dapat menabur bakti kepada negara menerusi mencegah najis dadah," jelasnya.

Pada program itu, sebanyak 100 peserta terlibat dan setiap mereka terdiri daripada wakil pemimpin masyarakat, agensi kerajaan, komuniti setempat dan pegawai AADK sekitar negeri ini.

Program tersebut diadakan bertujuan meningkatkan kefahaman dan kemahiran kepada peserta bagi menggerakkan program-program di bawah Kempen Perangi Dadah Habis-Habisan 3.0.